

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), a u vezi sa članom 133. stav 2. Poslovnika Skupštine Zeničko-dobojskog kantona-Novi prečišćeni tekst („Službene novine Zeničko-dobojskog kantona“, broj 7/12), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 115. sjednici, održanoj dana 03.07.2013. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman III poslanika u Skupštini Zeničko-dobojskog kantona Fahrudina Brkića, na Prijedlog Zakona o šumama, koji glasi:

AMANDMAN III

Iza člana 51. Prijedloga Zakona o šumama dodaje se član 52. koji slijedi:

Član 52. (Naknada za općekorisne funkcije šuma)

(1) Naknadu za općekorisne funkcije šuma u visini od 0,05 % od ukupno ostvarenog godišnjeg prihoda, plaćaju sva pravna lica koja su registrirana za obavljanje djelatnosti i imaju sjedište na teritoriji Kantona, kao i dijelovi pravnih lica čije je sjedište van Kantona, a obavljaju djelatnost na teritoriji Kantona.

(2) Naknada iz stava (1) ovog člana uplaćuje se tromjesečno i po završnom godišnjem računovodstvenom izvještaju u korist računa Budžeta.

(3) Od obaveze plaćanja naknade iz stava (1) ovog člana izuzimaju se: korisnik državnih šuma i šumskog zemljišta, javne institucije, humanitarne organizacije, udruženja i fondacije, izuzev onih koji obavljaju djelatnost radi sticanja dobiti, te pravna lica koja upošljavaju preko 50% invalidnih lica, bez obzira na obavljanje djelatnosti radi sticanja dobiti.

(4) Kontrolu obračuna i uplate naknade iz stava (1) ovog člana vrši porezna uprava i šumarski inspektor na način predviđen u članu 51. stav (4) ovog Zakona.

II.

Zaključak sa obrazloženjem u kome su sadržani razlozi zbog kojih se ne prihvata podneseni amandman upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____ /13

Datum, 03.07.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine Zeničko-dobojskog kantona,

1x a/a.

O B R A Z L O Ź E N J E

I PRAVNI OSNOV:

Članom 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ br.7/10), propisano je da Vlada donosi zaključke kojima se utvrđuju stavovi o pitanjima od značaja za sprovođenje utvrđene politike, odnosno određuju zadaci kantonalnih organa uprave.

II. RAZLOZI

AMANDMAN III

Vlada Zeničko-dobojskog kantona, razmatrajući amandman III poslanika u Skupštini Zeničko-dobojskog kantona Brkić Fahrudina, na Prijedlog Zakona o šumama, zauzela je stav: da isti ne prihvati s obzirom da je prihvatanjem amandmana II poslanice Indire Mundžić pitanje naknade za opće korisne funkcije šuma urađeno na predloženi način.